

B. N. C.
FIRENZE
1052
13







A

1052, 13



271

B



MOSCH

5

С. 119

1777

1777



1777

GEORGII
MOSCHETII

ORATIO

DE LAUDIBVS LINGVAE GRAECAE

SVB SERENISS. FERDINANDO III.
MAGNO AETRVRIAE DVCE.

*Ad nobilissimam Pisanam Academiam, Habita Die
ipso Kal. Ian. Anno M. DC. VI.*



PISIS, Apud Io. Baptistam Boschettum, & Ioannem
Fontanum Socios, Anno M. DC. VI.
Superiorum permisso.

RECORD

1911
JAN 1 1911
JAN 1 1911
JAN 1 1911
JAN 1 1911

1052.13

1052.13

Illustris. & Excellentis. PRINCIPI

D. CAROLO MEDICI



GEORGIUS MOSCHETTIVS S.P.D.

MVS SV Serenissimi Parentis tui, CA-
ROLE PRINCEPS Excellen-
tissime, profiteri Gracas litteras in hac no-
bilissima Pisana Academia, diebus pro-
xime prateritis, aggressus sum, atq; (ut
moris est) greca dialecti laudes, breui cuiusdam Oratio-
nis mea compendio, inter ipsa renascentis anni primor-
dia, praefationis loco, studiosis Iuuenibus explicavi, ut
hac ratione illius capeßenda studia, maiora in pluribus
excitarem, excitata in multis perficerem, atq; in alijs
iam perfectiora firmarem; & quidem uniuerſi qui ade-
rant, non solum benignas, dicenti, ac gratas, (qua illo-
rum fuit humanitas) aures praebuerunt; verum etiam
eorum aliqui, hanc qualemcumque orationem meam, ex
temporaneo nixu fusam, ac nullis oratoria artis orna-
mentis decoratam (attentius forsän ipsam legendi, ac cu-
riosius qua in ea dicuntur peruestigandi desiderio capti)
summis ac iteratis a me precibus petierunt; quorum pe-
titioni

titioni non morem gerere, cum nefas esse existimarem,
diu mihi, deliberandum non fuit, quoniam ego pacto plus
illi auctoritatis ac virium compararem: statim enim, in-
clyta ac Serenissima Familia Tua patrociniū in men-
tem venit cuius auctoritas debilia reborat, obscura splen-
dor illustrat, dignitasq; ipsa atque nobilitas, humilia qua-
qua subleuat, et exornat; in qua licet alios etiam eisdem
Serenissimis Genitoribus natos Tuos agnoscam fratres,
quibus ego pariter addictissimus sum, pluraque perspi-
ciam eiusdem virtutis praeclarissima lumina a luminari-
bus illis magnis, parentibus nempe tuis producta, quo-
rum singula omnibus, et praesidio esse possunt maximo
et splendori; tu tamen unus pra alijs Mecenas ac pa-
tronus optimus, hac in re praecipue, mihi opportunus ad-
modum occuristi, quippe qui Pisis cum sis, et propior
ades, et ipsarum etiam gracarum litterarum studio
(de quarum praestantia agitur) magnoperè delectaris;
Accipe igitur qua soles humanitate, atq; hilari vultu, mul-
tis nominibus debitum ac inscriptū amplitudini tuae exi-
guum licet paruique pretij praesens munusculum, tui
splendore nominis, illustrandum, et decorandum, ab
eo tibi delatum, qui se suaque studia omnia, lubens per-
petuis Serenissima familia tua commodis dicauit atq; ad-
dixit. Vbi enim gratum hoc Excellentia tua fore cogno-
uerit, studiaq; graca tuo patrociniū, more Parentum fo-
ueri perceperit, ad maiora in dies singulos obseruantia
gratq; animi monumenta paranda una cum alijs se la-
tus accinget; πῶς τὸ τιμωμεν (ut ait Iamblichus) αὐτῶν
ἐκ τῶν αὐτῶν πατρῶν. Vale.



GEORGII MOSCHETII ORATIO

DE LAUDIBVS LINGVAE GRAECAE!



SI quando aliàs, in hoc celeberrimo Inclytę Ciuitatis Pisarum Gymnasio, via quępiam cęteris aptior ad omnium disciplinarum, seu doctrinarum genera, vel comparanda facilius, vel intelligenda vtilius, vel explicanda accomodatius, a quoquam ex cogitata, ac inuenta fuit; si quando diuturnis iuuenum studiosorum vigilijs ac laboribus optatus perfectusq; studiorum suorum finis pro voto successit; hoc profecto nunc illud tempus adesse mihi videtur, cum optima rerum omnium cognoscendarum, Methodus, ac Disciplina, gręcarum scilicet litterarum studia, peritorum hominum consilio, illustrissimorum pręfectorum decreto, ac Serenissimi Magni Ducis nostri mandato (quod fœlix faustumq; sit) inchoantur atq; traduntur; ea namq; fuit semper, & est vbiq; gentium, facundię gręcę vtilitas, vt per illam facillimum sibi quisq; ad perfectā rerum omnium cognitionem parare possit ingressum: ea est necessitas, vt sine ipsa innumerę pene, ac pręcipuę vocum significationes, maxima cum iactura, in quouis eruditionis genere nos lateant: ea deniq; est ipsius pręstantię dignitas, vt illa scinēl, vel summis, vt aiunt, labijs degusta-

B

ta, qui-

ta, quilibet eo ipso præstare ceteris, sibi facile persuadeat:
& iure quidem id optimo fit, auditores; cum enim huma-
na ratio, præcis illis ac aureis græcorum temporibus, vnius
sapientiæ inquirendæ studio addicta, maxima semper in ea
incrementa virtutum susceperit, rerumq; omnium tam Phy-
sicarum quam Metaphysicarum causas, & arcana, post
maximos diuturnosq; labores feliciter inuenta, græco ser-
mone, eoq; elegantissimo, omnibus eiusdem sapientiæ
amore detentis copiose tradiderit, patefecerit, dictauerit,
exposuerit, nil mirum videri debet, si dum cæteras omnes
dialectos, & dignitatis, ob id, præstantia, & vtilitatis excel-
lentia, longè latèq; antecellit, omnibus etiam, qui ipsa pol-
lent, & ornamento sit maximo, & vtilitati; non solum
enim, vt dictum est, huius linguæ præsidio ad quod liber
scientiæ facultatisq; genus percipiendum fructuosius, atq;
alijs aperiendum suauius, aptiores efficiamur, & promptio-
res; verum etiam multarum rerum ignorantia tenebris il-
lius accessu fugatis, admirabiliq; quodam inde splendore
perfusi, illustriores reddimur, atq; feliciores; cum enim
vera omnis humana felicitas ac nobilitas in vnius veri-
summiq; boni (quod est Deus optimus Maximus) contem-
platione versetur, cuius apprehensionem, licet solis naturæ
viribus assequi perfectè prohibeamur, magna tamen ex
parte, ad eam attingendam, horum inferiorum cogniti-
one iuuamur, (inuisibilia enim Dei, per ea, quæ facta sunt
intellecta conspiciuntur, iuxta sacri dictum eloquij) pro-
fectò quò maiori perfectiori; rerum cognitione pollebi-
mus, eò maiori etià ac perfectiori felicitatis nobilitatis ve
bono munereq; decorabimur, atq; lætabimur, Quis autem
neget hanc absolutam perfectamq; rerum omnium cogni-
tionem hac vna lingua contineri? nemo certe alius, nisi
qui omni prorsus eiusdem cognitionis lumine priuatur;

luce

luce enim clariora sunt linguę gręczę apud omnes encomia , nec vlla nostra probatione in presentiarum indigent aut commendatione ; nota vobis sunt omnibus, Doctores Excellētissimi, linguę huius quanta sint vndequaq; καμύλιον quam pulcra, quam necessaria , quam vtilia ; satis superq; illius probatis laudes cum scientias omnes atq; doctrinas gręconum sectando vestigia discipulos edocetis vestros ; Quid enim aliud primò discendū naturalis proponit Philosophus , nisi quos tradidit Aristoteles libros πρὶ τ' οὐρανίου ἀστρονομίας ? quid post eos explicandum putat nisi quę conscripsit idem de Cælo & Mundo πρὸς Ἀλέξανδρον ? quibus accedunt multa alia opera, libri, videlicet, de triplici anima, de generatione & corruptione, de sensu & sensibili, & cætera id genus omnia, quę tam ad horum inferiorum penetralia, quā ad ipsorum pertinent cœlorum quęrenda sublimia ; quid queso Metaphysicus habet prę manibus nisi eiusdem peripateticorum Principis 14. de prima Philosophia volumina ? quid Logicus prædicat pro perfecta intellectus nostri operationum directione vtilius ipso Aristotelico organo ? ad quemnam alium Moralis, Politicus, seu etiam Oeconomicus confugit Philosophus, pro morum integritate acquirenda, virtutum præstantia perspicienda, ciuium bonorum institutione firmanda , rerūq; domesticarum gubernatione disponenda , nisi ad ipsius Aristotelis libros Politicos Oeconomicos, Ethicos ? cui nam vnquam alteri fructuosius adhæreret eloquentiæ cupidus, nisi eiusdem de arte Rhetorica ad Alexandrum, & Theodecten conscriptis dogmatibus ? & tandem, qui ritè Pœtarum Catalogo adscribi voluerit a quonam alio censet petēda Poeseos suę præceptiones , atq; primordia, nisi ab eodem Philosopho : & hæc ab vno (vt videtis) traduntur gręco homine, cui tamen simillimos (ne dicam præstantiores) quam plures in gręcia illa licet

la licet inspicere. Mathematicarū item scientiarum demō-
strationes, & ~~anaphoricas~~ ab Euclide præcipue, & Archime-
de alijsq; græcis doctoribus tradi, nemo est vestrum qui ne-
sciat; Medici omnes atq; Chirurgi suę facultatis & artis
auctorem & Principē, post Deum, vnū agnoscunt Cōm
Hippocratem, cuius Aphorismos, & reliquas omnes de
morbis curandis sententias tanti facere consueuerunt, vt;
ne latum quidem vnguem, vllō vnquam tempore ab illis
discedere, fas esse existiment; omitto Galenum, & alios
quamplures græcos Archiatros, qui cum Therapeuticen
hanc scientiam suis monumentis atq; vigilijs mirificē illu-
strauerint, auxerint, atq; adeò perfecerint, non solum ad
proximam Hippocratis, & AEsculapij sapientiæ laudem
foelicitissime peruenerunt, verum etiam vitæ nostræ assidua
incolumitate tuēdæ atq; ab innumeris fermè morborum
generibus eripiendæ, diuina propè remedia reliquerunt; ta-
ceo præterea quod Lippis, (vt dicitur) atq; Tonloribus pa-
tet, omnes videlicet morbos, singula Pharmaca, quælibet
simplicia corpora, quę vis instrumentorum mesurarum ac
ponderum genera, & deniq; quidquid ad hanc amplissimā
medicorum artem, ritē comparandam, docendam exercen-
dam ve pertinere potest, omnia tum a græcorum fontibus
effluxisse, tum græco adhuc sermone vocitari, quò sit, vt
tanta facultas, ab ijs, qui sedulam huic Dialecto operam
nauare neglexerint, vix commodè percipi, nedum citra hu-
manæ vitæ periculum exerceri, possit. Iuris legumq; scien-
tia, cum politicæ atq; Ethicę Philosophię quædam sit por-
tio, paci societatiq; humanæ seruandæ præposita, multis
tum Philosophorum, & Oratorum, tum etiam Poetarum,
& aliorum Græcorum dictis atq; sententijs fulcita, nec nō,
integris græcis epistolis, itidemq; Imperatorum Rescriptis
ac Iure consultorum Responsis quam pluribus ornata, nō
equi-

equidem video quonam pacto, sine aliqua græcarum litterarum eruditione, perfectè a quoquam acquiri possit, nisi fortè, minus esse necessaria, scituq; digna quæ legibus tanquam bases, & fundamenta inserta sunt, temerè affirmare velimus, atque proinde cum Accursio illo (pace omnium Iuris Peritorum dixerim) non minus imperitè quàm impudèter eadem omnino negligamus. Theologis porro præter occidentis, non desunt, & orientis præcipua lumina, Dionisij, scilicet, illi Areopagitæ Athanasij, & Basilij Magni, Gregorij Nazianzeni, & Nysseni, Ioannes Chrysostomi, Epiphaniij, Cirilli Alexandrini & Ierosolimitani, Ioannes Damasceni, & alij sanctitate & doctrina præclari quamplurimi, quorum dogmatibus, & eruditione, verè fulget, vt Sole Luna, Sancta Mater Ecclesia, quos non modo fidei Catholicæ cõtra quælibet aduersariorum tela propugnatores acerrimos, verum etiam omnium diuinarum scripturarum expositores atq; doctores reperire licet eximios; His addite generalium ferè omnium Synodorum acta, græco & illa sermone composita, Canonicas scripturas omnes (si veteris testamenti libros, & vnum excipias Matthæi Apostoli Euangelium) Apostolicarum item ordinationum decreta sanctissimi illius martyris ac summi Pontificis Clementis monumentis seruata, nec non innumera alia ac per necessaria doctissimorum virorum, in omnes vtriusq; fœderis paginas commentaria relictæ, quæ sacrorum Theologorum Scholas, non solum maxima luce perfundunt, verum etiam, miro quodam modo perficiunt. Humaniorum etiam litterarum doctores, satis apertè linguæ huius declarare videntur præstantiam, utilitatem, & elegantiam, cum singulis quibusq; suis prælectionibus græci sermonis voces, proprietates, regulas, figuras, Phrases, atq; etiam integras miscere solent sententias; si quid

quid enim vnquam ingenij, si quid leporis, si quid eloquentiæ Romana tulit antiquitas (tulisse autem plurimum, nemo est, qui non videat) id omne litterarum græcarum studio, ac disciplinis, acceptum referri debere, haud obscure significant. Et certe si per tempus liceret, diligentiori quodam examine, singula Romanæ facundiæ monumeta scrutari, luce clarius appareret, omnia, tum metro, tum soluta oratione conscripta, ad Græcorum litteratorum exemplum, & imitationem, (impari tamen conatu, ac venustate) composita descriptaq; fuisse; Pateret enim in primis facilè, ipsum Romanæ eloquentiæ principem, atq; magistrum, non solum græcas litteras calluisse, apudq; Rhodios aliquando græcè declamando, in sui omnes admirationem traxisse, ac sibi suisq; omnibus huius linguæ peritia maximè profuisse; Verum etiam vim totam Demostenis proprijs orationibus inseruisse, maturitatē Thucydidis adhibuisse, fulmina Periclis ex pressisse, iucunditatem Isocratis coluisse, atq; ipsius etiam Platonis copiam, & elegantiam plenissimè exercuisse; Constatet in super Virgilium Latinorum omniū Poetarum Coryphæum, Homeri, Hesiodi, ac Theocriti poemata integra trāscripsisse, illorumq; ope A Encidos, Georgices, atq; Bucolices carmina cecinisse; Horatium pindarica mûsa fretum lyricum breui poetam euasisse, Terentium Menandri comœdias, (quod est apud Fabium) interpretatum, vixq; illius leuē umbram assecutum fuisse, ceterosq; omnes pro sua quemlibet, voluptate, Græcorum scriptorum aliquem elegisse cumq; sibi tanquam perfectissimum atq; absolutissimum paradigma imitandum proposuisse; Verum enim vero cum nec temporis angustia longiorem patiatur orationē, neque in hac amplissima tantorum virorum corona desint vtriusq; linguæ peritia præditi atq; ad omnium scientiarum

rum ac disciplinarum apicē euecti, qui tanquam *ἀνικητῶτες* Iudices, & melius, & copiosius ista tractare, ac diiudicare possunt, lubens hæc ipse prætereo, Atq; ad illa me confero quæ huic orationi nostræ obicere quis posset literarum græcarum omnino rudis & hostis, ab aliqua fortassis huius linguæ difficultate deterritus, atq; suæ, ob id, ignorantiae tenebris contentus; Quorsum, dicet ipse, ista studiorum novatio? quorsum tantus sustinendus est labor, cum & sine literarum græcarum scientia multos in quolibet disciplinarum genere floruisse videamus, & omnia Græcorum scripta latino sermone legamus? Decipitur certe quisquis iste est, & à veritate longissime abest, qui talia loquitur, licet enim aliqui, linguæ huius cognitione, ac ope destituti in quopiam disciplinarum, seu doctrinarum genere aliquādo profecerint; longe tamen maiores, & absolutiores, iidem profectus fecissent, nisi hac lingua caruissent; nec refert quod latino sermone Græcorum scripta legantur, cum rectè minime intelligantur; teste enim Diuo Hieronymo utriusque linguæ scientia claro, latinus sermo græcam proprietatem non exptimit, neq; (ut ait Quintilianus) illam solis concessam Atticis venustatem recipit, neque tam dilucidè tamq; aptè latina oratione demonstrari possunt, quæ singulis verbis priuissq; vocibus à græcis rectissimè, & planissimè dicuntur, etiam si maximè pluribus vtaris verbis, ut prædicat Gellius, adde quòd Lucretius inquit multa se græce dicere propter egestatem linguæ & rerum nouitatem. Noua autem linguæ græcæ studia nuncupari nullo modo possunt, cum & Romanis omnibus in delitijs, & Barbaris ipsis, iam a primis temporibus, in vsu atq; honore maximo fuerint; nulla enim vnquam fuit tam longinqua regio, è qua studiorum græcorum causa Athenas illas doctrinarū omnium inuentices homines studiosi non peterent,

peterent, nulla fuit tam extera natio, quæ græcas disciplinas non concupisceret; & iure id merito; quemadmodum enim cunctis hominibus innatam sciendi cupiditatem tribuimus, pari quoque modo eisdem litterarum græcarum (quibus omnis scientia continetur) studium inesse debere affirmemus necesse est, id quod si cæteris omnibus est commune, sermonis profectò latini cultoribus, quem & a græca dialecto manare, & ipsi coniunctissimum esse compertum est, proprium omnino esse fatendum est; Verum non est quod plura de hac re, apud eos præcipue, verba faciam, qui & maximi semper studia græca fecerunt, & alios ad hec cohortati sunt, *ἐν τῷ ᾧ, ὡς παλαιοί* (quod est in prouerbio) incitarem, & currenti iam equo frustra calcaria iungerem; satis enim mihi cognitum atque perspectum est quanto in honore græcarum litterarum cultores atque doctores apud vos semper habiti fuerint, quantum ve utilitatis, ac commoditatis ex illarum studio ipsi reportaueritis, ex quo inclyta ac Serenissima Mediceorum, Principum Optimorum, Familia, bono omnium semper studens, Græcorum reliquias, post immensam illam Græciæ cladem, humanissime hospitio excepit, muneribus auxit, atque incolumes A Etruriæ, & vniuerso Orbi seruaui; Quare reliquum est, ornatissimi Iuuenes, (ad vos enim oratio mea conuertitur) ut ad hæc capeßenda studia accingamini, græcaque cum latinis, Ciceronis exemplo, coniungatis; quod ut vobis feliciter ac pro voto contingat operam, diligentiam, industriam, atque studium omne meum ubique pro virili polliceor, Vobis autem omnibus, Doctores Excellentissimi, qui me iucundissimo, ac nobilissimo conspectu vestro, hodierna die cohonestastis, atque in hunc electissimum Catalogum vestrum cooptatum, benignissimè recepistis, immortales habeo gratias, habeboque dum vixero. Dicebam.

1052-112

1052.05

1052. 13







9/16

